



00690

毛尚書奏稿

卷之十六目錄

官軍越境克復永定縣城摺

酌保督修附城礮臺出力人員摺

閩臬張運蘭追賊遇害懇 恩優卹摺

官軍進逼雲霄苦戰獲勝摺

越境攻克筋竹墟賊巢片

詳陳克復永定情形請獎參將林保片

安插就撫客民並土人先抗後遵情形摺

陸路提督患病懇 恩賞假摺

奏稿卷十六 目錄

拏獲土匪李可鍾等正法片

遵 旨敬陳管見摺

敬陳額兵流弊片

官軍越境獲勝潮防仍形喫緊摺

請改派馮子材督辦信宜羅定軍務片


派兵駐東興防堵越南亂匪片

進勦橫州匪首孫義太片

化州官紳殲勦廣西竄匪片

羅定官軍攻克古眉大埗等處賊巢片

臬司李福泰截擊竄匪請獎將弁片



密陳預籌辦理交涉片

調卓興防堵東江片

特保疊著勞績賢員摺

恭報交卸日期謝 恩摺

奏稿卷十六 目錄

二

官軍越境克復永定縣城摺

同治四年正月初十日

奏爲官軍越境勦賊屢獲大勝克復永定縣城恭摺馳

陳仰祈

聖鑒事竊

臣

等前以官軍進規雲霄平和各城迭次苦

戰獲勝並先規永定後圖漳州各情形於十二月二十

六日具

奏在案嗣據臬司李福泰副將方耀稟稱永定踞逆丁
太陽潘姓等勢甚凶悍深溝高壘有久踞之意方耀自
進紮恩全後購覓敢死之士混入賊中查探賊情設法
離間使丁潘二逆漸不相能十二月二十六日偵知逆

奏稿卷十六

一

衆赴永定城外之金沙鄉擄掠預於近城各處埋伏二
十七日賊衆果至我軍號礮一聲伏兵齊起四面圍殺
喊聲動地賊衆披靡殺斃六百餘名受傷者無數餘匪
踉蹌回竄我軍追至城外立將礮樓土壘一律平毀二
十八日都司鄭紹忠知府吳贊誠督兵來會於城外踏
看地勢有附城之鑊子嶺鳴岐山兩處可以俯瞰城中
因移營分紮山脊槍礮火箭日夜俯擊賊衆死傷如積
兼以城內舉動爲官軍所知各自驚疑遂於十二月二
十九日四更後開東門向龍巖州一路奔竄我軍追至
雷塘而還共計先後殺賊一千六七百名查該逆踞守

永定與漳州爲犄角之勢藉以牽制粵師今被我軍攻克賊氣少奪_臣等已飭方耀等乘此聲威相機進剿以冀速殄妖氛惟查汀州之南陽爲康逆汪海洋踞紮號稱十餘萬人漳州踞逆號稱二十萬人是潮嘉東北兩路最形喫重_臣等欽遵

諭旨咨催馮子材速赴東江督辦軍務並飭李福泰馳赴潮州府城妥籌布置以固濱海門戶至已革副將方耀自平遠挫衄後痛自追悔深以辜負委任爲恥乃能振刷精神督兵克復武平縣所兩城已經_臣奏明暫先記功奉

奏稿卷十六

二

旨允准在案現復設計苦戰越境攻克永定縣城實屬能知愧勵奮勇可嘉合無籲懇

天恩俯准將花翎總兵銜署三江協副將方耀所有暫行革職處分悉予開復以示鼓勵臬司李福泰自出省督辦防剿以來運籌決策悉合機宜用能越境連克兩城洵屬調度有方可否

賞戴花翎候補知府虎門同知吳贊誠前辦嘉應團練力遏賊氛現復會同方耀出奇制勝攻拔堅城洵屬異常出力可否以道員留於廣東補用都司鄭紹忠隨同克復著有微勞可否

賞加遊擊銜其餘在事出力人員可否由臣查明後擇
尤保獎所有官軍越境克復永定縣城緣由謹恭摺由
驛六百里馳

奏伏乞

皇太后

皇上聖鑒謹

奏

奏稿卷十六

酌保督修附城礮臺出力人員摺

同治四年二月初一日

奏爲遵

旨酌保督修附城礮臺要工尤爲出力人員籲懇

天恩優給獎敘以昭激勸恭摺具陳仰祈

聖鑒事竊照廣東省前因江浙竄出大股髮匪由江西
奔突粵境欲由南韶直犯省城勢極披猖防堵萬分喫
緊經_臣等調撥員弁兵勇並由滿漢駐防旗營添派弁
兵分布各城內外巡防守禦附省陸路有保釐者定保
極拱極四礮臺最爲扼要趕卽會派明幹大員督集工
匠剋期修築以資固守當將修復各礮臺工竣情形恭

摺

奏稿卷十六

四

奏報聲明在工出力人員可否擇尤酌保其水路礮臺
另籌修理在案同治四年正月初八日准兵部火票遞
回原摺內開議政王軍機大臣奉

旨知道了所有在工各員著准其擇尤保奏水陸各礮
臺仍當認真修理毋得稍有草率欽此仰見

聖主慎重臺防微勞必錄至意_臣等跪誦之下欽感莫

名當卽咨行欽遵查照_臣等伏查保釐者定保極拱極

四礮臺在粵省北門城外倚據山阜星羅棋布實爲東
北兩路防守隘要之地咸豐七年閒燬於兵燹以致粵

城陸路空曠籌畫捍禦無險可恃上年髮逆大股竄逼粵界警報頻聞人心殊形震動雖經調集兵勇嚴密防範藉以鎮壓但不將礮臺妥速修復究無以爲保衛之資是以遴派協領王鎮雄等分督工匠將礮臺四座迅爲修築完固遂使封守謹嚴民心安定洵於防務大有裨益此次工程正當軍情危急庫項竭匱之際該協領等督率委弁俱係自備資斧常川駐工晝夜趕辦其工料之堅實竣事之迅速經費之節省實爲厯辦工程所未有所有在工人員臣瑞麟與副都統臣庫克吉泰等時常親詣稽察均屬實心實力昕夕勤劬始終奮勉不辭勞瘁臣等公同稽核謹擇其尤爲出力者分別繕開事蹟清單恭呈

御覽仰懇

天恩賞准給予獎敘俾該員等感激

鴻慈自必倍加激勵力圖報效其餘出力稍次之員或歸入另案彙獎或由外酌量獎賞總期敘功悉昭覈實斷不敢稍涉冒濫至粵省水路各礮臺容臣等會商籌款次第興修再行

奏明辦理亦不稍任草率延誤據軍需總局司道會詳前來臣等謹合詞恭摺具陳伏乞

皇太后

皇上聖鑒訓示謹

奏

奏稿卷一六

六

閩臬張運蘭追賊遇害懇

恩優卹摺

同治四年

二月初二日

奏爲統兵大員忠節凜然懇請

天恩從優賜卹以昭忠烈而勵戎行恭摺具陳仰祈

聖鑒事竊照福建臬司張運蘭臣鴻賓於二年十月奏

帶來粵屢平積寇旋奉

諭旨催赴閩省於去年九月馳抵武平追賊失利粵省

雖與武平接壤而傳聞不一或謂其力戰陣亡或謂其

陷於賊中

臣

知張運蘭稟性忠烈必不苟且偷生惟以

探無確據未敢冒昧瀆陳嗣據候選道張恆祥稟稱張

奏稿卷十六

七

運蘭於上年八月二十六日行抵汀郡旋因賊匪由平

遠大埔被勦回竄武平張運蘭於初四日統兵八成隊

伍馳赴武平扼賊衝要初九日突報賊竄武平縣城相

近之下壩中赤一帶遂於初十日留勇守城親督中隊

馳赴中赤迎勦屢戰皆捷中赤山多林密賊遁其間十

一日追賊深入詎伏賊突起分爲兩股包鈔而來忽報

另股賊匪已撲武平因卽督隊回救不料賊衆兵單重

重被困總兵賀國楨王明高先後陣亡張運蘭見勢不

支持刀策馬大呼陷陣所當皆靡奈賊匪益聚益衆前

者被傷後者繼進帳下親兵健兒死傷畧盡賊匪槍礮

如雨四面攢注張運蘭身受重傷墜於馬下爲賊擡擁入城賊訊之張運蘭罵曰汝金陵巢穴已傾殲滅在即我奉

命討賊死必殺爾賊匪守禁兩日張運蘭罵不絕口遂於九月十四擁出西門外木橋被害臨死猶北向作叩頭狀曰此生不能報

恩矣賊支解之懸其首於南門外時賊踞武平不得確耗迫方耀督兵克復其姪張恆祥馳赴武平搜訪遺骸遇有逃出難民李姓二人及受傷兵勇親見張運蘭血戰受傷罵賊被害始得其實旋於城外尋獲屍身一斷

奏稿卷十六

八

僅存中體肚腹破開自跣蹶以下均截去無存幸有藍布小夾襖係張恆祥親爲製辦尙堪辨認其首級懸挂多日面色如生長鬚尙存此張運蘭力戰受傷罵賊不屈被害甚慘之實在情形也臣等聞報之下涕泣與俱

粵省官紳同聲呼愴查張運蘭係湖南湘鄉縣人於咸豐元年從戎轉戰江西安徽湖南廣東湖北數省大小百餘戰屢克名城爲江皖傑出可靠之員同治二年臣

鴻賓抵任粵督稔知廣東數年來賊氛徧地玩寇無功實由兵威之不振因商之兩江督臣曾國藩將該員

奏帶來粵先後勦滅石逆餘黨李復猷並英清土匪鄧

二尺七陳仰古等粵省十餘年積患爲之一清當經
臣等奏請獎勵奉

旨交軍機處存記候旨錄用在案及遵

旨赴閩提二千之衆當十萬虎狼之寇一鼓作氣誓不
與賊俱生徒以衆寡不敵中賊詭計卒能臨難不屈大
節凜然當此時事尙艱人才不易臣忝膺疆寄竊嘗私
心痛之該員係福建大員該省督撫臣自必據情陳奏
臣等原毋庸越俎惟念該員隨臣鴻賓辦事一載有餘
籌勦籌防深資倚賴况武平與粵接壤又係粵軍所復
若見聞既確而不一爲陳奏恐負

奏稿卷十六

九

國家褒忠之義亦無以勵從征將士之心查前任福建
糧道趙景賢在籍辦團困守湖州城破陷賊不屈遇害
尙蒙

天恩逾格照巡撫例議卹該員張運蘭轉戰數省屢克
名城厥功尤偉合無仰懇

天恩將布政使銜福建按察使張運蘭照巡撫陣亡例
議卹宣付史館立傳並於湖南福建廣東各省建立專
祠以彰忠藎出自

逾格天恩再其長子業已出繼次子恆湘年甫數齡孤
露餘生情堪憫惻合併陳明所有福建臬司張運蘭血

戰受傷罵賊被害情形謹合詞恭摺由驛馳
奏伏乞

皇太后

皇上聖鑒謹

奏

奏稿卷十六

十

官軍進逼雲霄苦戰獲勝摺

同治四年二月初四日

奏爲官軍進逼雲霄連日苦戰獲勝現仍防勦兼籌恭摺由驛馳陳仰祈

聖鑒事竊

臣

等前因官軍進規雲霄平和克復永定縣

城先後具

奏在案嗣據潮州鎮翟國彥署黃岡協副將何雲章稟稱十二月初九日賊匪分爲三隊開城出撲我營何雲章督率各軍奮力夾擊自午至申鏖戰數時賊衆大敗槍斃數十名受傷不計其數奔回城中閉門死守先是何雲章已諭令鄉民製造竹梯草牌火罐等件遂於初

奏稿卷十六

十一

十日乘勝撲城下令蟻附而上先登者有賞城上槍礮如雨拋擲火包我軍頭頂綿被以禦之死傷不退自初十日至十四日賊中火藥將盡勢漸不支詎意雲霄東北之岳坑鄉民甘心從賊由城外接濟火藥等物賊勢復振何雲章所部兵單不能四面合圍仍將城西南一路困住以遏竄詔安之路十二月二十四日漳州援賊數千由岳坑鄉入城何雲章探知賊援大至恐於歲晚乘我不備先將兵勇民團分爲三路以成犄角之勢鄭世英率潮城兵勇居中從九郭廷沛率澄海勇居東民團莊鳳文居西賊匪果於除夕開門來犯郭廷沛之隊

稍卻鄭世英莊鳳文合力擊之殺傷相當至元旦不退賊衆我寡幾有被困之勢適遊擊李元順之軍亦至躍馬當先大呼陷陣各兵勇氣百倍所向披靡賊匪回竄入城陣斬騎馬賊目三名死傷不計其數我軍傷亡十餘名此遊擊何雲章進攻雲霄連日苦戰獲勝之情形也查永定收復後漳州踞逆李世賢大懼粵軍合力進逼乃派悍賊趨注平和窺伺柏嵩關藉圖牽制並據饒平縣知縣謝樹棠稟稱探報賊匪有繞越小路竄撲饒平縣城之說汪海洋占踞南陽自劉典進軍失利各鄉望風附從賊勢益張駸駸乎逼近嘉應是潮嘉防務未

奏稿卷十六

三

能一日稍鬆臣等本擬令方耀一軍節節掃蕩會師漳州惟閩省賊勢日滋在在可通粵境深恐顧此失彼因飭該副將移軍由上杭而進亟清濯田龍下官莊之匪以固嘉應藩籬仍飭潮州鎮翟國彥惠潮道鳳安嚴防大埔饒平鄭紹忠駐紮峯市相機徐圖平和以固潮州門戶臬司李福泰前回龍川復經臣檄調赴潮規畫一切現據稟報刻日馳赴埔饒之交以資策應廣西提督馮子材仰蒙

天恩准令暫留廣東督辦東江軍務臣等恭錄

諭旨轉行欽遵查照並加函飛催該提臣馳赴潮嘉一

帶相度形勝扼要駐紮以圖合力會勦並飭臬司李福泰俟馮子材到營後察看緩急再行回省此近日布置之情形也伏查署副將何雲章赴援詔安進規雲霄雖尙未能攻復城池然以千餘之衆力遏賊氛苦戰數月殺賊甚衆漳州屬縣徧地賊氛詔安一縣危如累卵而獨能保全者皆何雲章越境勦辦之功現當邊防喫緊之際亟須加之激勵以作士氣而固軍心可否將潮州鎮標遊擊何雲章

賞加副將銜以資鼓舞之處出自

天恩所有進規雲霄並現籌防勦緣由謹恭摺馳

奏稿卷十六

三

奏伏乞

皇太后

皇上訓示謹

奏

越境攻克筋竹墟賊巢片

同治四年二月初四日

再前因廣西岑溪容縣土匪日熾逼近東境當卽派兵會勦謹於十二月二十六日附片

奏明在案茲據羅定州知州周士俊稟稱岑溪賊首陳日升自竄踞古眉後乘勢脅服筋竹墟石井中圍扶清等村漸逼近西甯縣屬之泗倫菴濱地方周士俊以賊勢日張非先發以制之患且不測乃商同曾敏行於正月十六日會督都司林隆祥進攻筋竹墟令各勇銜枚疾進踰濠拋擲火罐槍礮疊施連奪賊柵兩層斃賊多名餘匪退踞內柵拚死抵拒林隆祥奮勇先登爲賊礮

奏稿卷十六

十四

所傷周士俊恐有疏虞暫行收隊退紮秧地探知陳日升在於筋竹墟旁之石井村密爲布置當於十七日晚速派紳士梁以文黃亨衢潛往圍攻先用火箭噴筒繼以洋槍擡槍立將石井村攻破斃匪數百名陳逆遁入筋竹墟其中圍扶清各村亦同時爲軍圍攻破十八日副將曾敏行周士俊分爲兩路一路由筋竹墟後攻其礮樓一路由墟前直撲賊壘時賊匪趕修外柵尙未完竣我軍銳氣百倍一鼓克之賊在內柵死拒我軍以火箭射入登時四處火發煙燄迷天逆衆冒煙亂竄自相踐踏陳逆先已騎馬衝出遁回古眉老巢生擒首匪羅

進慶等三名斬獲二十餘級先後斬殺燒斃之賊不計其數都司林隆祥受傷頗重兵勇傷亡十餘名遂將筋竹墟等處賊巢一律埽蕩東至新樂七十里間被脅者皆已反正其鄰近各鄉見官軍連獲勝仗亦皆踊躍團練共圖殺賊人心藉以稍安等情前來臣等查西匪陳日升等結拜洪家會紛紛倡亂勢漸蔓延駸駸擾及東省臣等慮其滋蔓難圖前已陳明添派任星元督勇一千名前往防勦旋因僞王汪海洋有回竄瑞金之說南雄防務復繁仍飭任星元添勇一千駐防南雄改派副將潘其泰帶勇一千馳赴信宜羅定之交會合諸軍相機勦辦茲經周士俊曾敏行等越境痛勦攻破賊巢足以奪賊氣而壯軍聲除俟勦辦詳細情形會同廣西撫臣張凱嵩具奏外謹先將羅定官軍越境攻克筋竹墟等處賊巢緣由附片陳明伏乞

聖鑒訓示謹

奏

詳陳克復永定情形請獎參將林保片

同治四年

二月初四日

再粵軍克復永定前經馳陳在案茲據臬司李福泰副將方耀稟稱日前購謀入城實由參將林保探知首逆丁太陽潘啟亮分城踞守素有嫌隙密商方耀以重賞覓死士隨同該參將營中所養蓄髮探勇混入城中從而離間之該二逆更不相能互相殘殺官軍從此節節得手在於金砂鄉鑊子嶺等處連獲全勝二十九日方耀會同各軍飭永定縣張行楷督率民團爲嚮導攻開永定西門賊匪驚慌開東門逃竄生擒僞指揮李天雄

奏稿卷十六

六

僞都督鄺三保僞王政郝成僞千長馮亮等四名又長髮老賊何廣等十七名拔出難民三百餘名我軍直追至湖雷坎市斃賊千餘人滾崖落澗死者無數餘匪竄赴龍巖一路而去我軍陣亡壯勇黃烈等二十二名受傷營官徐桂植等七十二名方耀遂卽拔赴上杭飭該縣張行楷入城安民並留參將林保都司鄧安邦統帶兵勇暫行駐守以防回竄俟閩省接防有人再行更調此永定攻克之實在情形也前因倉猝稟報未及詳細聲敘等因前來臣等查參將林保先前購謀入城離間賊黨會合諸軍攻克城池自未便沒其微勞可否仰懇

天恩將副將銜江西補用參將林保留於廣東以副將
補用其各營傷亡弁兵可否由臣等查明後彙案
奏請議卹之處均出自

逾格天恩謹附片陳明伏乞

聖鑒訓示謹

奏

奏稿卷十六

十七

安插就撫客民並土人先抗後遵情形摺

同治四

年二月二十六日

奏爲就撫客民安插畧定並陳土人先抗後遵情形恭摺仰祈

聖鑒事竊

臣

等前將官軍進勦客匪大獲勝仗逆首戴

梓潰就擒餘衆求撫情形於上年十一月十四日具摺

奏報在案

臣

等竊聞善爲政者寬與猛必相濟善用兵

者勦與撫必兼施伏讀同治三年三月二十八日奉

上諭客匪究與逆匪不同應如何勦撫兼施妥爲安插

欽此又七月初六日奉

奏稿卷十六

支

上諭客民挾仇相殺兵連禍結積數十年勢難一概誅戮且其攫食求生情殊可憫亦與叛逆者有間總當勦撫兼施脅從罔治欽此仰見

皇上無微不燭一視同仁

臣

等受任封圻敢不欽遵妥

辦自戴逆就擒餘衆求撫後隨卽飭委補用道屠繼烈

署廣州府糧捕通判華廷傑馳赴肇郡會同南韶連鎮

卓興護肇羅道史樸署肇慶府甯立梯等督同高明新

興各縣地方官紳公同商酌妥籌安插之法旋據卓興

史樸屠繼烈等查點客衆尙餘六萬五千餘人內中自

願前往廣西投靠親友種地墾山營生者經屠繼烈等

酌給口糧陸續資送前去又陳疇一股本非黃亦泰同黨求卽安插五坑不計外尙餘四萬餘人均須別籌安插查此等皆係傷殘之餘無衣無食鵠面鳩形若非給以資糧難免轉於溝壑其舊時田產房屋均爲土人所占卽有未經被踞者自經兵燹皆成荆棘之場若非搭蓋蓬廬亦不足以資棲止且土客仇隙太深若任令客民散處土鄉勢必互相吞噬粵東地廣人稠海澨山陬居民殆徧欲求一無人之境使之安插實不可得惟查有恩平所屬之那扶金雞赤水等三鄉皆濱海之地本係客籍舊居該處近海有魚蝦之利山陸有土茶出產

奏稿卷十六

九

貧民負販肩挑亦可度日資生雖附近尙有土鄉而高山曠野蹤跡少疏似尙可相安無事臣等督同總局司道公同商酌籌給經費銀兩妥爲賑卹當卽檄令卓興督押客民前赴那扶於今歲正月月中旬行至恩平之唐勞地方詎恩平開平等縣土人設立萬全等局名目雇募土勇據隘抗拒使客民不得前進經地方官竭力開導該土勇日益囂張先後沿路擄殺客民四百餘名劫殺潮勇數名卓興尙復隱忍至初五日黎明土勇萬餘復出撲官軍營盤乘勢撲殺客民卓興見勢益猖獗若再事姑息必致釀成大患因親督精銳馳援仍密飭營

官等不准擅開槍礮比及交綏該土勇等見卓興親自督隊同時望風而靡卓興亦不窮追並據恩平縣知縣劉維楨探稱前路土勇均已星散遂於二月初七日選派精壯護送客民全數徙向那扶等處安插等情先後具稟前來此近日安插客民種種爲難之實在情形也臣等伏思土客之禍由來已久彼此恨入骨髓至有不共戴天之勢是以十餘年來動輒械鬪仇殺地方官少一問其曲直則指爲偏袒怨謗立起或公然與官爲仇以是官吏相率隱忍不敢過問前督臣勞崇光雖經飭令官紳設法排解事不旋踵復又翻騰其禍愈烈迫髮

奏稿卷十六

三

逆戴梓潰投入其中客匪之勢益大不但土民大受荼毒且駸駸勢成叛逆非復官兵之所能制臣等到任後

飭委卓興督師勦辦竭年餘之力始將巨逆悍匪殲除殆盡當其時土民等以罪人斯得無不歡聲載道而客民勢衰力竭亦皆願釋干戈帖然求撫臣等以爲客民

既已悔罪土民等或少釋餘怨詎料甫定安插之議而恩平土人卽大肆抗違在愚夫愚婦固罔知物極必

返之理卽衣冠中人亦皆陽奉陰違必欲使客民唯類無遺而後快據其情狀卽律以亂民之誅亦不爲過惟

推原其故怨毒旣積及百年解釋難期諸一旦且各屬

土民占踞客產慮被清查故百計阻撓以遂其貪尙非有心作亂敢與官軍爲敵卓興來則嚴拒去不窮追操縱亦屬合宜現在土民已經解散客民已經安插界內客民舊產已爲土民占者固須遷讓其有不願與客民雜處者飭地方官查明准其將隔鄉無主客產更換安業在客民之創鉅痛深似不致再生枝節第慮土人貪心未化如果不能相容客民亦無束手待斃之理臣等惟有推誠布公剴切勸諭開導明定章程使知遵守一面督飭各地方員弁隨時留心稽查防範此後如有肇釁生事不論土客但論是非嚴加懲辦以杜禍端至客目黃亦泰係客籍廩生爲客中頭目本屬法無可貸惟客民攫食求生原與逆匪不同黃亦泰爲客中所信服又與戴逆之藉衆煽亂者有別自戴逆就擒後該生聞風畏懼自行赴營投到情願約束客衆不令生事其情尙有可原臣等現仍將其扣留監禁如此後客民不復滋生事端再爲奏乞

天恩貸其一死儻不知改悔仍復故轍相尋卽將該生嚴行懲辦以肅法紀除俟安插完畢能否不致再生枝節有無變通章程續行具奏外合將遵

旨安插情形據實陳明是否有當謹合詞恭摺附驛馳

陳伏乞

皇太后

皇上聖鑒訓示謹

奏

奏稿卷十六

三

陸路提督患病懇

恩賞假摺

同治四年二月二十六日

奏爲提督積勞患病籲懇

天恩賞假調理恭摺仰祈

聖鑒事竊

臣

接准廣東陸路提

臣

崑壽咨稱前因逆匪

陳金缸竄踞信宜縣城分黨四出滋擾崑壽欽奉

諭旨前往督辦軍務於同治二年四月統帶兵勇馳赴高州節次督同副將卓興方耀等暨各地方文武進兵攻勦是年九月陳逆授首克復縣城隨於冬閒凱旋查高郡地方多係崇山疊嶂密菁深林崑壽引兵深入賊境往來奔走感受山嵐瘴氣隨患痰喘之證返省後延

奏稿卷十六

三

醫調治稍覺安痊然猶時發時止上年春閒喘嗽大作飲食頓減時值皖浙敗匪屢有竄粵之謠崑壽馳回惠州布置防堵自春徂夏力疾辦公迨至七八月閒僞侍逆李世賢等擁衆十餘萬由江西贛南突竄南雄州嗣復由龍南橫竄惠州府屬之龍川縣闌入鎮平平遠大埔等縣均經各路官軍擊退該匪竄入福建永定平和一帶維時崑壽親督各營將弁籌勦籌防朝夕不遑遂覺精神疲頓痰喘愈甚而且牽動舊患鼻淵之症每值病發昏悶移時不能言語據醫者云病勢已深非靜心調攝難望痊愈自維受

恩深重未報涓埃何敢藉病偷閒自圖安逸無如病體困憊日甚一日實在不能支持現當惠潮各屬防堵聞匪喫緊之際如以病軀戀棧設有貽誤關繫非輕不得已據實陳情咨請代爲仰懇

天恩賞假三個月俾得安心調理崑壽氣體素壯精力未衰一俟調治稍痊卽當照常辦公等情前來

臣

查提

臣崑壽在粵年久熟悉情形平日辦事清慎公忠素爲軍民愛戴近年督辦軍務尤爲得力前自高州回省染患痰喘臣每往視疾爲之商訂方藥尙可勉強支持迨上年逆匪竄入粵邊該提臣在惠郡督師晝夜防勦過

奏稿卷十六

十四

於勞頓以致喘嗽日甚加以鼻淵舊疾復發遂覺困憊不支據請代奏乞假實出於萬不得已合無仰懇

聖慈俯准賞假三箇月俾得安心調理所有提督衙門尋常公事飭委中軍參將謝讚代折代行其惠郡防堵事宜行令現調東江督辦軍務之南韶連鎮總兵卓興暫行兼顧臣仍隨時察看如崑壽假期屆滿病難速痊再行奏明委員接署提督篆務是否有當臣謹恭摺具奏伏乞

皇太后

皇上聖鑒訓示謹

奏

拏獲土匪李可鍾等正法片

同治四年二月二十六日

再去年十一月間將拏獲土匪情形奏奉

諭旨知道了所有出力文武官紳俟軍務平定准其酌保無許冒濫仍隨時設法搜捕盜匪以靖地方欽此當卽恭錄欽遵在案查信宜逆生李可鍾爲衣冠敗類通賊害民鄉黨切齒聞陳金釭之踞縣城卽係該逆潛相句結_臣等訪明該逆罪狀疊經札飭地方官文武密速查拏旋據高州道府稟稱該逆踞險黨衆自衛甚嚴若不能得手必致變生不測應俟有機可乘設法圖之上年冬閒岑溪股匪倡亂李可鍾密遣其姪李河娘等前

奏稿卷十六

三

往助逆本年正月閒賊竄容縣楊村李可鍾又遣其姪李一貫刊造僞示遣黨王六吳三等到處嚇索揚言賊至意欲搖動民心乘機起事署信宜縣黎正春訪知該逆爪牙四出防備少疏遂會同委員陳惟杜暘暉等以重賞購覓妥線不動聲色先後將李可鍾李一貫李四及其黨王六吳三五名一併擒獲訊取確供就地正法遠近聞者無不稱快又據番禺縣張日銜拏獲土匪池阿敏等五名增城縣徐德度拏獲土匪劉膽王仔等五名署翁源縣張興烈拏獲土匪許老嶸一名佛岡同知盛朝恩拏獲土匪蕭南洗等六名署南澳同知楊緒光

拏獲土匪吳蜓葵一名署饒平縣謝樹棠拏獲土匪羅阿崇等五名署惠來縣王惠溥拏獲土匪楊良炮一名署潮陽縣冒澄拏獲土匪陳娘發等二名興甯縣卓誠拏獲土匪袁庚姐等六名永安縣許應辰拏獲土匪張花頰質一名署嘉應州程培霖拏獲土匪何熊家麻一名欽州李天培拏獲土匪劉三溫尙明劉雞樞黃晚大李大等五名曲江縣賡颺拏獲土匪袁有功一名該犯等或豎旗拜會拒敵官兵或勾通逆匪爲賊奸細均經訊認不諱各州縣因時值軍興道路戒嚴所獲俱係緊要重犯未便久稽俱經稟明分別處決此外各屬陸續拏獲搶劫盜犯均照

奏稿卷十六

三

奏定章程解赴道府勘審正法另行結報臣等仍飭各地方文武隨時訪查搜捕以杜奸謀而安民命至該地方出力文武官紳雖屬職分之所應爲然當鄰氛正熾之時能將叛黨凶徒設法掩捕不使勾結爲害與拏辦尋常盜犯究有不同可否仍遵前

旨俟軍務平定後彙同前案一併酌保以資鼓舞之處
出自

天恩謹附片陳明伏乞

聖鑒訓示謹

奏

遵 旨敬陳管見摺 同治四年二月二十七日

奏爲欽奉

諭旨敬陳管見恭摺奏祈

聖鑒事竊^臣等於二月初六日承准議政王軍機大臣
字寄同治三年十二月十七日奉

上諭沈葆楨奏照錄督糧道段起條陳安置凱撤勇丁
事宜原稟呈覽一摺內稱今日各路遣散之勇丁不下
數十萬必有膽畧謀勇之輩投閒置散必致別生枝節
若將此輩加以叅養自無構禍之事並可責成與地方
官吏協同查拏匪類請酌留各州縣釐金以供撤勇之
用自提鎮下至都守均各照本職每年應領俸銀數目
分四季向地方官吏支領並每月酌加米石或由釐金
稅項下支給或由丁漕正款報銷其餘千把及無職勇
丁或全數歸農或充補兵額所議四條立論不爲無見
惟酌給俸銀米石等項爲費甚鉅亟應先事籌畫方可
次第辦理銷患未萌著按照所陳各節妥議章程具奏
欽此等因同治四年正月初六日奉

上諭據喬松年奏稱管帶之員弁有實缺者極少遣歸
後補缺無期投閒置散既無向上之路並無謀食之方
未免可惜現請將此項人員或在立功省分或在原籍

省分准令歸標學習如果能勝任准同候補人員酌補營缺藉資教練其有不願歸標者亦聽其自便等語所奏不爲無見卽著彙入段起條陳一併明定章程具奏欽此等因

臣

等跪誦之下仰見

皇上邇言必察防患未萌之至意下懷莫名欽佩惟是救時之策貴揆事勢所能行爲政有經不能每人而求悅段起所陳雖爲弭患起見而

臣

等究其利弊要其始終覺有窒礙難行者二有不必過慮者一行之而仍恐無益者亦有二請爲

皇太后

奏稿卷十六

三

皇上陳之綠營欠餉各省皆同卽以廣東一省言之欠餉幾及三年爲數不下數百萬旗兵之需索營弁之籲求幾於無計推延無詞批復雖經

臣

等勉強支持不至生事實則可慮之至不但此也各路防勦之師欠餉均已數月去歲年穀少歉一切捐輸皆經緩辦故籌濟尤難夫以額設之營兵前敵之弁勇尙有枵腹之虞豈獨於名遂身退之官弁轉能源源接濟之理如曰雖無其實姑予以名必至兵餉勇糧之外又增一項欠款是博一時之見好而貽無窮之後累也此窒礙難行者一也承平之世

國家歲入四千餘萬而所出亦四千餘萬稍有水旱偏災卽虞不足至於今日或徧地干戈或瘡痍甫息江浙各省爲丁漕最重之地已蒙

恩酌減錢糧卽使及早承平歲出之數不加於舊已有入不敷出之患安能籌此鉅款豢養散勇乎釐金固不可議停而用度則必須有節自今需財甚廣正款旣無可挹注捐輸又難乎爲繼惟恃此芟芟釐金藉爲補苴之計臣等前此奏請緩停抽釐所慮至深且遠若僅爲散勇起見未免錙銖取之而泥沙用之矣况乎軍興以來各路保舉重疊自都守以至提鎮統計不下數萬員

奏稿卷十六

三九

卽照段起所陳各按所保官職俸銀籌及一品歲領銀八十一兩二品六十七兩零從二品五十三兩零三品三十九兩零四品二十七兩零五品十八兩零在各該弁按時支取每月僅得數金無加於毫末而

朝廷積少成多每歲卽需數百萬當此挖肉補瘡之時於京餉兵餉之外平添數百萬之餉額內旣不能有餘額外又無可另取雖桑孔復生亦恐無能爲役此窒礙難行者二也從來散勇之難不難於有官之人而難於無官之人故川楚教匪平定後嘯聚爲亂散勇多而官弁少尤未聞有提鎮參遊從而作亂者蓋豪傑之士固

不以溫飽爲懷卽志氣稍下者一旦名位崇高亦必稍知自愛若夫桀鷙之徒凶悍性成如近時江蘇所誅之馮協坤官至二品家資數十萬尙且敢於通賊則雖加之豢養亦復何益如各省督撫皆如李鴻章之不事姑息雖有馮協坤之凶惡且不足慮何論其他此不必過慮者一也散勇之中固多智畧謀勇之輩降賊之內亦正不乏其人勇固易於嘯聚賊尤習於性成今天下當勇之人莫多於楚其次則莫如粵天下首亂之人莫多於粵其次亦莫如楚臣鴻賓在湖南巡撫任內其時降賊之遣歸者頗多散勇之被撤者亦不少仰賴

奏稿卷十六

三

天威從未嘗別生枝節及調任廣東高州之首民四五萬由江西江蘇浙江各省撤遣回籍之降衆不下十餘萬其散勇更難數計雖豎旗拜會之事時或有然經臣等申明法令飭屬嚴辦亦無不隨起隨滅段起於立功回籍之員乃爲之鯁鯁過慮不知降衆如林又將如何籌款以羈縻之此不足過慮者二也原稟謂遣散之後可以資其鎮撫不知營官之所以能約束兵勇者視乎

朝廷之制度不視乎一人之恩威常人之情畏法甚於感恩趨利甚於避害當其在營兵勇有趨利赴功之心

營官有賞功罰罪之權故強者知勸而弱者知懼一經散遣權已不屬提鎮之與散勇等耳譬之自督撫下至州縣在官則遞相統屬罷官則等若齊民夫以督撫之重且不能行其權於家居之日而謂都守以上能約束散勇於既撤之後乎此行之而仍恐無益者一也原稟謂可與地方官共圖緝捕不知州縣有緝捕之責武營有會緝之責嚴之以處分假之以事權猶且不能認真緝捕彼回籍都守以上各員既無處分之可畏又無事權之可假而轉欲資之緝捕盜賊是猶欲前行而卻步也且恐此輩粗人因之武斷鄉曲挾仇修怨紛紛而起

奏稿卷十六

三

是養之而適以害之此行之而仍恐無益者二也總之天下之治亂在乎用人之當否所用賢則紀綱振飭法度修明雖亂世亦可以爲治所用非賢則紀綱倒置法度廢弛雖平時亦可以致亂從古及今未聞費有用之財養無用之人啗之以利而求其不作亂者無論此豢養之名或非英異之流所肯受正恐啟人以輕量之心非細故矣且夫既得隴又望蜀者小人之恆情逸思淫勤思奮者君子所不免縱使國家財力能給足以贖其所求竊恐都守以上之有所得者必將習於偷惰干把以下之無所得者必且肆其怨謗欲弭亂而亂益滋欲

靖禍而禍愈甚此尤流弊無窮防不勝防者也抑臣等竊有請者方今內患未平外患猶伏正臣子臥薪嘗膽力求自強之時非天下已治已安高談偃武之日爲今之計與其坐耗經費仍非弭亂之善方何如選練精良預籌防患之實用其甘肅新疆及雲貴福建之現逼賊氛者無論矣卽如廣東境內現雖無賊而東則有漳龍之悍逆西則有岑橫之餘寇南則有越南之黎匪無在不須用兵卽無日不當講武臣等選將徵兵亦未嘗不於遣散勇弁中取材他如江南安徽浙江兩湖四川直隸山東河南等省或全境初清或鄰氛未靖論者或患

奏稿卷十六

三

其兵氣之未銷而臣等轉慮其武備之漸弛竊謂除陝甘雲貴福建不計外其江浙各省均宜酌留兵勇多者萬餘人少或三四千人卽以各該省在籍之提鎮協參遊以下者爲營官爲哨官簡其精壯汰其老弱隨材任使不拘資格分紮省會及扼要處所無事則恪遵營制俾就範圍有警則迅赴戎機無煩征調且使將材不致廢棄軍餉不至虛糜而天下有備無患亦可以補綠營兵力之不逮其月餉卽從釐金項下酌量籌發而不患窘難二三年之後天下大定內外又安立卽裁撤歸農亦不患別生枝節如此一轉移閒化虛耗而歸實用事

易舉亦易停而不致有牽制之慮如蒙

俞允各省均有募勇舊章應如何酌量變通之處請

旨敕下各省督撫體察情形妥籌辦理至安徽撫臣喬

松年所陳各節審時度勢平易行現在各省大畧皆

係如此辦理自應如該撫所請

敕部施行臣等受任封圻於利弊得失之故因革損益

之宜不敢不悉心熟籌用竭兩端之叩勉抒一得之愚

冒昧直陳以備

聖慈採擇是否有當伏乞

皇太后

奏稿卷十六

三

皇上聖鑒訓示謹

奏

敬陳額兵流弊片

同治四年二月二十七日

再我

朝營制大小相維遠近相制立法可謂盡善惟是日久廢弛弊端叢出故川楚教匪之時論者已謂用兵不如招勇及廣西逆匪初起徵兵幾半天下乃調兵愈衆賊勢愈熾轉不如鄉勇之尙能抵禦於是識時務者相率改而募勇卒之肅清南服埽穴擒渠皆勇之效而兵不與唐臣韓愈有言徵兵滿萬不如招募數千由來久矣夫兵有節制而勇皆募充勇有功而兵無效其故何也蓋古之善用兵者貴乎兵識將意將識士心故能收指

奏稿卷十六

七

臂之效今百里有營十里有汛在立設之初原爲耳目既近稽察易周一有嘯聚即可圍捕然而多者不過數百人少者或十餘人逐捕尙或有餘禦寇實形不足迨其敝也將以扣餉冒額爲能無所謂訓練兵以窩娼查賭爲利無所謂營規於是上下雖有統屬之名而情睽意隔歲時雖有演操之制而實去文存及有徵調東抽一名西撥一隊兵與兵不相習將與兵不相知夫訓練旣已不時心意又復不洽與驅市人而使戰者何異此所以不能得力者一也古者十金之士百金之士材力旣異身價亦殊今卽不優以厚餉亦不可不使之飽騰

乃綠營定制馬兵月給二兩戰兵月給一兩五錢步兵月給一兩在

開國之初人少物賤按時籌給尙足以贍其身家承平既久生齒既繁百物昂貴兵之月入已不足以自贍况又加折扣而望其忍饑力鬪難矣且民間傭力之夫月入尙得錢六七貫無惑乎老弱之充數而強壯之別圖矣故軍興以來駐防旗兵豢養較綠營稍厚而收效亦較殊其明徵也此所以不能得力者二也今若如臣等所請各省留勇自數千至數萬不等緩急均有可恃必將調兵可以盡撤營可以盡裁而於事勢又有甚難者額兵欠餉各省纍纍若欲裁撤必先發餉營兵所以不能整頓坐欠餉太多之故又復議裁能無譁諫此不可不慮者一也兵之實難返兵之名尙存知者雖知其無用不知者尙惕於

奏稿卷十六

三

國威若一旦裁撤奸民或因而生心此不可不慮者二也臣等再四思維惟有以勇輔兵有缺無補之一法查江浙皖楚等省之兵幾經大亂物故流亡者爲數不少直東豫晉等省之兵雖尙完善死亡病故者亦歲有之擬請此後無論用兵及完善省分從前未足之額暫緩召募此後再出之缺概停募補如此則無用之兵漸減

而不事紛更有用之餉可節而無乖定制至於營汛可
裁則裁老弱可汰則汰是在乎大吏斟酌時宜非執一
所能懸斷若年復一年不思變計恐欠餉日增一日必
有決裂之時此輩弭亂不足而爲亂有餘恐天下之憂
不在散勇而在額兵矣臣愚昧之見儻蒙

俞允請

敕下各省督撫察看各省情形酌量施行是否有當伏
乞

聖鑒訓示謹

奏

奏稿卷十六

三六

官軍越境獲勝潮防仍形喫緊摺

同治四年二月二十八日

奏爲官軍越境追勦大獲勝仗賊勢趨重漳州潮防仍形喫緊情形恭摺由驛馳陳仰祈

聖鑒事竊

臣

等前以官軍進逼雲霄連日苦戰獲勝並

令方耀移軍上杭先清官莊龍下各匪情形於二月初

四日具

奏在案旋據臬司李福泰稟稱方耀於正月十九日軍抵上杭探聞南陽賊匪有竄動之意卽督軍由上杭之千家村節節進勦該逆橫竄白沙石碣等處思鈔我軍之後乘虛冀入粵境方耀聞報卽督軍由上杭北門之

奏稿卷十六

三

水西渡河繞赴草鞋嶺當風嶺邀擊之二月初五夜派勇潛襲石碣逆寨獲匪數名賊甚驚惶遂飭守備方恭等帶勇由上杭東門渡河進攻白沙逆壘知府方勳守備謝廷楠等帶勇由北門渡河出草鞋嶺夾擊守備林材等帶勇策應方耀親督守備方鼇等逕攻石碣初六日黎明直抵該處逆匪萬餘蜂擁出拒我軍大呼向前勇氣百倍槍礮齊施聲震巖谷自辰至未鏖戰數時之久守備方鼇督帶礮隊首先陷陣連環轟擊斃匪七百餘名賊衆少卻正酣戰間適白沙之匪回援石碣拚命相持我軍全隊亦趕至石碣方勳等督帶洋槍隊併力

圍攻遂將石碣攻破賊匪突路狂奔追殺三十餘里陣斬長髮黃衣老賊偽頭天福呂朝興偽緒天福楊石保偽旛天福呂李穠偽拔天燕曹雅任等五名又偽先鋒十五名長髮老賊首級一百九十四顆生擒賊目鍾職等落澗墜崖死者約五六千人其伏匿林麓間者復縱火焚斃無算餘匪各棄槍礮越嶺而逸救出脅從難民計千餘人奪獲騾馬四百餘匹旗幟器械無數並獲偽印三顆偽照四件當將官莊迴龍啄木才溪樸樹石碣等處賊巢一律焚燬我軍陣亡六名受傷一百餘名此方耀分勦白砂石碣各匪大獲勝仗之情形也查方耀

奏稿卷十六

三

石碣之捷殺賊幾及萬人洵足以寒賊膽而壯軍聲惟逆衆尙不下十餘萬其勢十倍於兵勇尙難一鼓撲滅潮嘉邊界綿亙數百里並無總隘可扼路路可通該匪困獸猶鬪仍有防不勝防之患當方耀在石碣大戰時卽有另股賊匪繞竄大埔縣屬之白垵幸李福泰翟國彥等布置周密當飭守卡兵勇將該逆匪擊退是嘉應之防少鬆而潮防日形緊急現在馮子材尙未到省

臣

等惟有嚴飭李福泰駐紮大埔居中調度翟國彥嚴防饒平鄭紹忠駐紮峯市以固潮嘉藩籬並飭方耀乘此聲威跟蹤追勦以仰副

皇上保鞏完區綏靖封疆之至意所有官軍越境追勦
大獲勝仗賊勢趨重漳州潮防日形喫緊緣由恭摺由
驛馳

奏伏乞

皇太后

皇上聖鑒訓示謹

奏

奏稿卷十六

三九

請改派馮子材督辦信宜羅定軍務片

同治四年

二月二十八日

再廣西提

臣

馮子材前因請假回籍修墓經

臣

等陳請

暫留廣東督辦東江軍務奉

旨允准在案現在廣西岑容一帶賊勢蔓延擾及東省

羅定州西甯等縣先經

臣

等調派副將曾敏行潘其泰

等各帶隊勇馳往勦辦該副將等會同地方文武越境

進攻雖節次大獲勝仗疊克堅巢惟梧屬伏莽徧地羣

起響應並探有大股匪徒竄撲信宜之說查信宜地當

扼要從前陳金釭由岑溪竄踞信宜縣城用兵數年始

奏稿卷十六

四

得勘定若該匪再蹈前轍辦理又形棘手馮子材籍隸

廉州與西省壤地相接現在尙未到省若就近馳赴羅

信之交督辦軍務先聲所至區區殘寇當不難一鼓撲

除且該提督係西省專閩大員於廣西弁兵呼應亦靈

俟羅定信宜肅清後即可會督官軍進規岑容之匪以

靖餘氛而固疆圉至東江防勦雖形喫緊惟李福泰已

抵潮州疊獲全勝

臣

等復飛調卓興馳往東江會同督

辦該鎮於潮嘉情形最熟自可獨當一面如此一轉移

間各收駕輕就熟之效似爲一舉兩得

臣

等通籌全局

體察情形不敢拘執前奏致悞事機合無仰懇

天恩敕下廣西提督馮子材速行改赴羅定信宜之交
督辦軍務俟廣東廣西交界處所一律肅清卽行馳赴
本任以重職守是否有當伏乞

聖鑒訓示謹

奏

奏稿卷一六

四

派兵駐東興防堵越南亂匪片

同治四年二月二十八日

再接據廣東廉州府知府戴肇辰轉據署欽州知州李天培稟稱探得越南國匪徒黎惟明黎惟安自稱越南舊王統率匪黨杜社益阮才岑等於本年正月初九日分水陸兩軍進攻越南國海甯府及砵街自辰至申海甯府砵街均被攻破現已飭令東興附近之五崗等處鄉民起團防守等情前來臣等查越南阮氏之先本取國於黎氏今黎惟明等自稱越南舊王原係蠻觸相爭未必有敢寇中國之心惟查海甯府與廣東之欽州交界而海甯之砵街與欽州之東興街尤爲地壤相接砵街既爲匪踞難保不乘間竄越臣等現已飛飭龍門協遴撥員弁督帶日兵馳往東興地方駐紮自固藩籬一面諭令五崗各團調集練勇崗丁協同營兵扼要堵禦庶免疏虞並嚴拏土匪以杜勾結以後如何情形容俟各文武續稟再行馳陳謹附片陳明伏乞

聖鑒訓示謹

奏

進勦橫州匪首孫義大片

同治四年二月二十八日

再廣東靈山縣節次勦辦土匪情形經臣等於上年十月十四日附片

奏明在案茲據署靈山縣知縣王振榮遊擊梁國安稟稱靈山縣屬之西鄉一帶久爲永清匪徒孫義大侵占連互一百餘里賊數衆多寨壘堅固以官塘那線那樓爲老巢以蓮桂塘等處爲羽翼七月初二日遊擊梁國安督勇二千率外委吳龍友等由東路進派候補把總仇襄忠等由西路進合攻米棉該逆率衆死拒鏖戰兩時之久我軍再接再厲賊勢不支竄走蓮桂塘大巢當

奏稿卷十六

聖三

將米棉攻破轉戰而前賊匪望風披靡遂將雷江苦竹山蓮桂塘水頭涌細嶺雷乍那羅沙梨田彭九冬墟飯包麓那坤崩塘那覓六服各村匪巢先後掃蕩該逆向官塘老巢而逸先後斬擒無算奪獲器械多件其橫州南鄉匪巢距靈山縣城不遠亦經知縣王振榮會合西軍節節進勦迭有擒斬等情前來臣等伏查匪首孫義大負隅於廣西之橫州擾及廣東靈山之西鄉經遊擊梁國安千總曾遠輝等分督兵勇掃蕩而前靈山地方漸就肅清現在廣西藩司劉坤一已抵橫州臣等飭令梁國安等會合西軍進逼孫逆山澤老巢以除積寇而

靖邊圍除將詳細情形會同廣西撫臣張凱嵩具奏外
謹合詞附片陳明伏乞

聖鑒訓示謹

奏

奏稿卷十六

四

化州官紳殲勦廣西竄匪片

同治四年二月二十八日

再據化州知州張欽泰稟稱廣西博白陸川等縣土匪江甲麟卽江二大等於二月初三日竄踞化州屬之合江墟地方肆行搶掠並圍築木柵開挖濠溝爲久踞之計又有著匪蔡七大李阿撈七等爲之煽助州城人心惶惶張欽泰雇募勁勇飛調鄉練派委文武官紳分投駐紮防護城池令守備張汝泰雇東莞勇五百名軍功黃斌募勇五百名會合進攻復派化州紳士拔貢彭步瀛州判郭遠昌廩生李鴻文等管帶練勇二千一百名分作三路由合江墟之後兜勦又購募土勇五十名混

奏稿卷十六

聖

入賊夥以爲內應層層設伏密約進兵初五辰刻張汝泰等督勇徑攻合江墟該匪出柵拒敵鏖戰數時殺斃甚多酉刻墟內火發張汝泰知內應已舉奮力向前適彭步瀛郭遠昌李鴻文同時赶到併力圍攻槍礮如雨當將賊寨攻破斃匪四百餘名生擒逆首江甲麟卽江二大及蔡七大之弟蔡十二二名并夥匪二百七十八名斬取首級一百三十顆割取髮辮二百七十九條耳記二百四十四隻奪獲旗幟礮械無算各匪拚命潰圍而出梟水奔逃我軍三面圍蹙傷斃及溺死者七八百名港汊皆滿餘匪無多仍向廣西一路而去先後殺

賊一千餘名我軍陣亡十八名等因前來臣等伏查西
匪江甲麟卽江二大等糾衆越境滋擾內多逆首陳金
缸餘黨久經戰陣狡悍異常茲經署化州張欽泰督飭
州局紳士彭步瀛李鴻文郭遠昌等起團募勇親冒鋒
鏑大獲全勝殲除醜類地方卽日肅清洵足以壯軍聲
而安民命除一面咨商廣西撫臣諭飭地方文武從嚴
搜捕外此次出力官紳勇練可否容臣等彙案擇尤酌
保以昭激勸之處出自逾格

天恩所有化州官紳殲勦廣西竄匪情形謹合詞附片
具陳伏乞

奏稿卷十六

吳

聖鑒訓示謹

奏

羅定官軍攻克古眉大墟等處賊巢片

同治四年

二月二十八日

再羅定官軍越境攻克筋竹墟等處賊巢情形經臣等於二月初四日附片

奏報在案茲據署羅定州知州周士俊稟稱筋竹墟等處賊巢雖經攻克逆首陳日升羅阿泚盤踞古眉大墟兩村分布黨羽出擾榕樹古萬各村羅定一帶人心仍未能安定因與曾敏行會商若非越境痛勦埽穴擒渠先將古眉大墟全行埽蕩不足以靖地方而除後患隨於初十日黎明派令都司盧滿江紳團陳世章沈應芳

奏稿卷一六

聖

分道先攻古眉該匪出巢迎拒我軍槍礮兼施斃匪多名正在鏖戰之際忽大墟逆賊羅阿泚等率黨來援古眉之匪亦分股由後包鈔我軍眾寡不敵兼之賊多馬隊勢頗危急適曾敏行派出策應之兵由小路繞出古眉之南紳士梁以文黃亨衢等督帶練勇由筋竹出古眉之西同時赶到洋槍隊伏而擊馬馬逸陣亂匪始披靡我軍乘勝奮擊斃賊數十名該逆潰入巢內周士俊曾敏行等以羅阿泚率眾來救其大墟巢穴必虛正可乘機直搗則古眉不難迎刃而解十一日寅刻飭令陳龍書高錫鈞等各在古眉附近嚴陣以待令陳聰挑選

精銳銜枚疾趨伏於大壩賊巢之左右親督大隊繼之
黎明點放號礮一齊擁進或挖圍牆或砍柵門匪始驚
覺兵勇大呼擊殺刀矛並舉斃賊無數遂將大壩賊巢
攻破羅阿洸自古眉回救遇我軍於花肚地方迎頭截
擊賊匪猝出不意自相驚踐斃匪百餘名餘衆向南渡
一路而遁周士俊曾敏行復率得勝之軍回攻古眉陳
日升聞大壩旣破心膽已落率其死黨向河洞雲胎老
巢而逃先後生擒十八名斃賊數百名周士俊等查河
洞爲賊之老巢雲胎爲賊匪屯聚軍資之所雲胎之旁
曰何家寨屯匪甚多爲犄角之勢實兩粵關鍵欲攻河

奏稿卷十六

吳

洞必先破雲胎欲破雲胎必先取何家寨當飭陳世章
沈應芳管帶勁勇千餘名分道進攻寨內礮樓甚多該
匪踞樓放礮我軍未能逼近隨飭勇練趕辦柴草至晚
人負一束昇置柵外乘風縱火賊巢樓檣盡然陳龍書
督率兵勇從煙燄之中奪柵而進立將何家寨匪巢三
座焚燬匪衆遁歸雲胎我軍乘勢圍之拋擲火球火箭
外委梁佐升冒煙衝入礮傷左膝抵死不退該匪死傷
如積勢漸不支紛紛翻山脊而逸遂將雲胎攻克該匪
竄入河洞負隅拒守先後生擒十七名斃賊數百名奪
獲旗幟器械多件曾敏行周士俊遂密飭劉金華等進

攻河洞十五日辰刻行至竹筋坳地方突遇賊伏劉金華大呼衝殺槍礮齊施生擒僞先鋒韋書學龐錫居各匪見逆首被擒紛紛潰竄我軍乘勝追趕殺斃不可勝計生擒十八名當將該處礮樓五座悉數平燬奪獲旗幟槍礮多件遂進圍河洞老巢等情前來臣等查古眉大壩雲胎各巢既經攻克賊勢已漸窮蹙羅定邊界已漸安靖惟西軍尙未趕到河洞爲該匪老巢礮樓堅固非厚集兵力多運火器未易一鼓而殲除飭曾敏行周士俊約會西軍併力進攻務期殲厥渠魁以靖邊圉外謹將羅定官軍越境攻克古眉大壩雲胎何家寨四處

奏稿卷十六

五

賊巢情形謹附片陳明伏乞

聖鑒訓示謹

奏

臬司李福泰截擊竄匪請獎將弁片

同治四年二月二十八日

再正在繕摺閒據臬司李福泰馳稟二月十二日已刻逆匪萬餘人由白堠直撲楓朗營盤補用遊擊戴朝佐千總梁仕光分路迎擊自己至西斬騎馬賊目二名手刃悍賊九名生擒賊目汪愈成一名礮斃數百名是夜該逆後隊大股躡至綿延十餘里十三日黎明分五路來撲勢甚洶涌戴朝佐梁仕光督勇鏖戰陣斬騎馬賊目三名轟斃賊黨無數馳突再四該逆抵死不退愈集愈多戴朝佐等恐有疏虞薄暮收隊回營一面飛稟請援一面潛派精銳繞出賊後大呼衝擊賊疑援至紛紛潰敗官軍正在跟追適潮州鎮總兵翟國彥派來援兵遇賊於三峯亭兩面夾擊勇氣百倍槍礮並發轟斃之賊屍橫徧野其自相驚亂墜崖落澗死者尤不可以數計其餘敗殘零匪折由南山奪路奔向平和逸去楓朗一帶現已無賊等情前來

臣

等伏查該逆由白砂坎市繞出湖坑苦竹下洋湖寮竄至白堠無非欲避官軍精銳希圖鈔過方耀各軍之後偷由楓朗僻路逕趨潮州用心狡獪已極戴朝佐梁仕光以千餘之衆當萬餘強寇乃能攔頭截擊相持兩晝夜之久以少勝多幾將逆黨全股撲滅實屬異常出力補用遊擊戴朝佐可否以

參將留於廣東儘先補用守備銜那扶營千總梁仕光
可否以守備儘先補用並加都司銜以示鼓勵其餘出
力員弁可否彙入克復永定案內一併酌獎之處出自
逾格

天恩至傷亡弁勇容俟查明彙案

奏請優卹是否有當謹合詞附片陳明伏乞

聖鑒訓示謹

奏

密陳預籌辦理交涉片

同治四年二月二十八日

再前准總理各國事務衙門密函稱俄英各國屢次欲於中國立銅線以通信息開鐵路以利往來節經照復停止在案等因_臣等竊以爲洋人居心叵測於此可畧見一斑現在金陵克復元惡就誅餘匪不患不滅地方不患不平惟英法各國暫雖相安無事而其心恐猶未饜卽其患恐猶未艾_臣等每與各國領事接晤開誠布公義正氣和遇有交涉事件按照條約可行者則允情而直諾不行者必據理以婉辭其中用剛用柔不亢不卑之致殊費苦心故年餘以來彼此情義似尙相孚儻荷

奏稿卷十六

五

聖主威福始終就我範圍不至決裂原可以弭禍於未萌然而敵國外患實爲謀國者之所當預籌未便以其利在通商別無他志遂存苟且玩忽之心自古懷柔外夷之道不外恩信第要求煩而恩易竭恩竭則怨生條約密而信易窮信窮則嫌啟是必有不可犯不可勝能制人而不制於人之實用以畏其志而服其心則夫恐懼修省所以自強自勵之要道誠不可不急講也前

兩江督

_臣

曾國藩密函亦汲汲然商所以思患預

策

_臣

等前此請緩停釐金茲復議教練兵勇無

十八日

軍經武防患未然起見伏乞

非無壘

皇上密飭中外臣工暨各省督撫宜及時振肅綱紀
明法度節釐金以資儲峙簡精銳以備干城勿爲姑息
而苟安目前勿務粉飾而不思遠慮庶幾收富國強兵
之效成安內攘外之休以贊

中興之盛以永萬世之基臣等幸甚天下幸甚謹附片
密陳伏乞

聖鑒訓示謹密

奏

奏稿卷十六

五

調卓興防堵東江片 同治四年二月二十九日

再卓興自勦辦客匪以來操縱合宜恩威並用使用首惡就擒餘衆就撫現在安插畧定_臣等本擬仍令駐紮恩平藉資彈壓可期成一勞永逸之功無如漳汀逆衆經浙師三面進逼江南礮隊復由廈門進攻大兵雲集賊膽已寒若能仰仗

天威就地殲除從此永靖東南固薄海臣民所同慶但統計賊衆尙約二三十萬人勢難一鼓殲盡無遺李世賢狡悍異常如再有竄動其勢不江則粵江西有鮑超舊部素稱勁旅但能扼守瑞金賊卽萬難飛越粵東則惟方耀一軍可戰餘皆新募之勇且人數無多賊衆什倍於我潮漳交界處所又無總隘可扼綿亙數百里路可通實有防不勝防之虞_臣等自去年八月以來籌餉籌兵勉強支持實有筋疲力盡之勢然仰仗

天威幸尙保此完區已非初念所及現在餉源漸竭兵力仍單該匪困獸猶鬪萬一衝突而來難保必無竄越潮嘉腹地並無一兵省垣必將震動大局又虞決裂因思客民已懾兵威士人已漸覺悟雖未必永無枝節似尙不致大啟釁端不得不先其所急將卓興一軍調赴東江以資策應而固藩籬如果土客再有交鬪_臣等惟

有察看情形分別曲直執法辦理不敢稍存姑息致煩
聖廑謹附片陳明伏乞

聖鑒訓示謹

奏

奏稿卷十六

五

特保疊著勞績賢員摺

同治四年三月初一日

奏爲特保疊著勞績之賢員籲懇

天恩優加錄用以昭激勸恭摺具陳仰祈

聖鑒事竊維圖治首在得人而舉賢當徵實績比年各省軍務繁興以籌濟餉需最爲緊要而籌餉之拮据又以辦理釐捐爲勞怨所叢集經畫尤極艱難非具通權達變之識莫由審度機宜非有精心果力之才莫能屢收成效茲有前奉

特旨記名遇缺開列在前四品京堂胡大任由禮部司員於咸豐三年間奉

奏稿卷一六

三

旨回湖北原籍幫辦團練並勸辦捐輸轉運接濟軍餉

現任湖廣總督

臣

官文現任兩江總督

臣

曾國藩暨前

任湖北巡撫

臣

胡林翼前辦各省援勦事宜均資其力

該員復倡辦湖北全省牙帖釐金歲入二百數十萬至今捐輸不已又疊次措解各路軍餉銀錢數俱鉅萬勤勞最著先經官文曾國藩會同胡林翼於咸豐九年十月間專摺保奏仰蒙

恩施優予獎敘在案同治二年間經

臣

毛鴻賓奏調該

員胡大任來粵總理通省釐務自抵粵東以來實心實力設法維持任怨任勞多方區畫上年江省大股髮逆

圖竄省城東北兩路嚴辦防勦正烽煙四逼之時措手萬難之際胡大任堅持定見刻苦經營能使釐事日有起色周轉不竭共濟時艱洵足以固軍心而作士氣所有收解釐餉除協撥江皖等省餉銀一百數十萬兩外尙留濟粵東本年軍餉銀七十餘萬兩不特裨益軍儲實可顧維全局厥功甚偉績有明徵該員業經兩江總督_臣曾國藩於上年十二月間附片

奏明以該員於金陵克復與有微勞請

旨簡用以示獎勵卽該員在粵籌辦出力所著勞績亦應由粵省詳細上陳方今

奏稿卷十六

三

朝廷核實求賢共圖上理_臣等深悉該員胡大任德性之堅定器識之沉毅辦事之細緻精詳而又歷試艱鉅疊著成績更何敢緘默不言有乖以人事君之義該員現因粵省釐務已定軍務稍平呈請回湖北原籍修墓一俟事竣卽行進京合無仰懇

天恩優加錄用俾得力圖報效盡展所長並以勵忠蓋而昭激勸出自

聖主逾格鴻施_臣等爲鼓勵賢才起見謹合詞恭摺奏陳伏乞

皇太后

皇上聖鑒訓示謹

奏

奏稱卷十

該員胡
結拜而又雁行
以人事

恭報交卸日期謝

恩摺

同治四年三月初五日

奏爲恭報

微臣

交卸日期並謝

天恩恭摺奏祈

聖鑒事竊

臣

於同治四年三月初四日准廣州將軍瑞

麟咨開同治四年二月十六日內閣奉

上諭毛鴻賓憚世臨因案降調前已降旨令吳棠署理

兩廣總督李瀚章補授湖南巡撫均著卽行馳赴新任

無庸來京請訓吳棠未到任以前兩廣總督著瑞麟

行兼署欽此等因又准吏部咨開內閣鈔

二月初十日奉

上諭兩廣總督毛鴻賓著

銷欽此等因

臣

跪誦之

感悚難名茲擬于二月初六

將兩廣總督衙門文卷印信移交兼署督

臣

瑞麟接收

謹卽望

闕叩頭恭謝

天恩伏念

臣

一介迂儒毫無知識仰蒙

文宗顯皇帝特達之知由科道游升巡撫復蒙

皇太后

皇上天恩畀以兼圻重任受事以來冰兢自惕雖鄰匪

卽就蕩平地方漸臻安謐各屬釐務亦均見起色惟吏

事兵事正須及時大加整飭如臣禱昧本難勝任况復
追思往昔實乖謬之良多及乎接奉部咨始夢迷之方
悟乃荷

聖恩高厚不加嚴譴僅依部議予以降調凡此
聖慈之矜宥實出

覆載之優容伏誦

恩綈感愧無地臣惟有痛加警省力圖振作凜

寬典之不可幸邀思遷善之可以補過以冀仰報

高厚鴻慈少贖前愆於萬一余是例恭疏具題

微臣交卸日期並感涕

天恩伏乞

並

皇太后

大府施具題以六

皇上聖鑒

奏



